

Hoomwieh

Vor e paar Daach hawwe merr sesommeGesetze, de Schorsch, de Karl unn isch, unn doo hott de Schorsch uff oomol gemoond, ob aach isch geseh odder geheerd hädd, dass die Kraniche widder in gruuße Trupps iwver Flerschem gefloochte sinn. Wo machen die donn hie?, hodder noch gefroochd.

Isch habbse geheerd unn aach geseh, habb isch ze Ontwort gewwe, unn die meisde Kraniche mache in die Extremadura, dess iss midde in Spanien.

Seet de Karl: Unn nächstjohr kumme se widder. Ob su Veeschel iwver de Winter Hoomwieh krieh?

Dess waaß isch nitt, habb isch gesaad, awwer dess iss e gut Frooch, weil dess iss joo immer e mords Oostrengung, iwver die Pyrenäe zurigg ze flieh. Iwverischsens, Hoomwieh odder Heimweh, dess sinn su Werrder, die merr heitzedaach dess gonse Johr nimmi heern dut. Merr kennt denke, weil dess Wort selde gewornn iss, wär aach dess Hoomwieh rar wornn.

Seet de Karl: Was merr effderr ze heern krieh dess iss Fernwieh, also dass oo odder ooner dehoom sitze unn droo denke dut, dasses schee wär, jetz, saache merr emol, unner de Sunn vunn Lanzarote im schwarze Sond ze leie.

Isch denk, seet de Schorsch, allsfort sinn die Leit unnerweeschs unn Hoomwieh duts nimmi gewwe.

Doch, hott de Karl gesaad, bei monsche Leit schunn, weil grad die vorsch Woch habb isch onn de Kass vumm Rewe in de Kolonnade geheerd, wie e elder Fraa zu ooner onneren gesaad hott: Ich habe es auf Sylt nicht mehr ausgehalten, drei Wochen sind lang und nach zwei Wochen habe ich Heimweh bekommen. Ich wollte wieder in meine Wohnung und wollte meine Kinder und Enkel wiedersehn.

Seet de Schorsch: Also duts Hoomwieh immer noch gewwe, unn jetz fällt merr oi, wir isch vor e paar Johr ferr de Opel in Spanien gewese bin, doo wollt isch aach nooch e paar Woche widder zurigg nooch Flerschem unn bei die Fraa unn die Kinner unn weil isch nitt fortkonnt, hotts rischdisch wieh gedue omm Herz.

Isch saach: Dess war Hoomwieh! Awwer jetz simmer joo im November unn doo kann merr aach onn ebbes onnersders denke.

Ei onn was donn?, frächt de Schorsch

Isch saach: Dasses Leit gibt, die nitt im Kronkehaus sterwe wolle, naa, die hoom wolle unn bei ihrne Leit die Aache zumache wolle, unn dess iss gons gewiss aach e Art vunn Hoomwieh.

Mir warn all e bissi noochdenklisch, bis de Schorsch uff oomol gesaad hott: Ob monsche vunn dene Flüchtling, die vunn irschendwo her bei uns kumme sinn, aach Hoomwieh krieh?

Doo seet de Karl: Dess sinn doch Mensche wie mir, warum solle die donn koo Hoomwieh krieh?

Eiern Honnes